

Reenforzando asina nan propio Carnaval

Noord ta bin cu Jouvert Morning

Y nos a mira e training di e candidatanan pa Reina Hubenil di Aruba su Carnaval.

Tur e 15 candidatanan hunto cu e maestro di Baile Ro Albus y su grupo a train te den oranan laat, y bo por bisa cu tur cos ta rond. OK.

In show fenomenal di Ro cu nunca no ta faya y semper ta one step ahead.

Tur caminda bo ta sinti e fever, no por haya mas forklifter ningun caminda. Tambe e 'gun' di haci desorden a caba. No tin mas. Bo por imaginabo. Esta un fiebre, Dios mio.


Esey no ta nada, casi henter e ruta di e Jouvert Morning di Noord ta yen yen.....

Noord ta bai cu Jouvert Morning e aña aki. Esaki lo iniciá pa 4'or di mardugá Diabierna manecé Diasabra. Es decir despues cu nos caba di haya e resultado di kende a keda e Reina Hubenil 1993, nos ta bai Noord.

E ruta di e parada aki ta uno hopi facil, e lo iniciá na Sport Centrum Noord y lo terminá na Centro di Bario Noord.

Tin hopi interes, segun nos por a comprendé.

Ya caba 5 disco lo ta den e parada aki y tambe



un banda a pone su mes disponibel pa toca.

Nan di cu ta Eclipse, ami no sa, no bisa nan cu ta ami di, bon!!!

Un observacion cu nos a haya for di un di nos fiel lectornan ta e hecho cu segun e persona aki, e cambio pa a inclui speech den e parti oficial, no ta algo posi-

tivo, ya cu e speech no ta sali espontáneo for di e persona mes, pero for di e mente di un persona diferente cu ta trece e speech padilanti. Esun cu ta bisa e speech aki ta siné for di su cabez y that's it.

Bueno, e ta berdad pa un banda, pero pa e otro banda toch e ta un manera pa identificá bo mes, dor di bo stem, bo tonada, bo

manera y con bo ta hiba bo mes.

Como un persona cu yega di skirbi masha hopi speech pa hende, personalmente loque ami ta haci ta conocé e candidata despues a base di loque n ta mira den djé, ta traha speech y lague pone su input den djé. E speech e or ta un recopilacion di tu loque e persona ta. Y ta so lo por sa con e ta biba cuné.

*Noord su Carnaval ta creciendo
mas y mas al igual cu Tivoli Club
un bes aki nan lo tin nan propio programa
di Carnaval.
Ta asina ta celebrá of laga.*